



Javna ustanova Centar za socijalni rad Zenica
Saliha Čakana Mulalića br. 5
Zenica, Bosna i Hercegovina

KONTAKT TELEFONI:
tehnički sekretar:
centrala:
Fax:
E-mail:

+387 32 447 916;
+387 32 447 956;
+387 32 447 917;
info@csrzenica.ba

Broj: 02/5-11-6-594/25
Zenica: 07.05.2025. godine

Na osnovu člana 64., stav (1), tačke b) i člana 70., stav (1), (3) i (6) Zakona o javnim nabavkama ("Službeni glasnik BiH" broj 39/14, 59/22 i 50/24), i Pravilnika o uređenju i vršenju nabavne funkcije unutar Javne ustanove Centar za socijalni rad Zenica broj: 02/1-04-5-1150/22 od 15.12.2022. godine, direktor Javne ustanove Centar za socijalni rad Zenica, donosi:

ODLUKU

o izboru najpovoljnijeg ponuđača i dodjeli ugovora putem direktnog sporazuma za nabavku "Nabavka usluga objavljivanja oglasa u dnevnim novinama"

Član 1.

Prihvata se preporuka Komisije za javnu nabavku, broj: 02/5-11-6-543/25-3 od 06.05.2025. godine i Ugovor za "Nabavku usluga objavljivanja oglasa u dnevnim novinama", dodjeljuje se ponuđaču "AVAZ-ROTO PRESS" d.o.o. Sarajevo na osnovu njegove ponude broj: 496/25 od 05.05.2025. godine i to za ponudenu cijenu od 680,00 KM bez PDV-a kao najbolje ocijenjenom.

Član 2.

Ova Odluka objavit će se na web-stranici Ugovornog organa (www.csrzenica.ba) istovremeno s upućivanjem primjerka Odluke ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 3.

Ova Odluka stupa na snagu danom donošenja i dostavit će se ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama ("Službeni glasnik BiH" broj 39/14, 59/22 i 50/24).

Obrazloženje

Postupak javne nabavke "Nabavka usluga objavljivanja oglasa u dnevnim novinama", pokrenut je Zahtjevom za pokretanje postupka javne nabavke, broj: 02/5-11-6-543/24 od 21.04.2025. godine.

Procijenjena ukupna vrijednost javne nabavke je 684,00 KM, bez PDV-a.

Javna nabavka je planirana u Planu javnih nabavki za 2025. godinu i evidentirana je u istom pod rednim brojem 10., a Plan je objavljen na portalu javnih nabavki u skladu sa članom 17. Zakona o javnim nabavkama ("Službeni glasnik BiH" broj 39/14, 59/22 i 50/24).

Javna nabavka je provedena direktnim sporazumom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude. Komisija za javnu nabavku imenovana je Rješenjem direktora Ugovornog organa, broj: 02/1-11-6-332/25 od 05.03.2025. godine.

Dana, 06.05.2025. godine Komisija za javnu nabavku je dostavila Direktorcu Izvještaj o radu komisije sa preporukom za dodjelu ugovora i izbor najpovoljnijeg ponuđača putem direktnog sporazuma, broj: 02/5-11-6-543/25-3 od 06.05.2025. godine u postupku javne nabavke "Nabavka usluga objavljivanja oglasa u dnevnim novinama".

Komisija je u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda, o čemu je sačinila i odgovarajući Izvještaj o radu komisije sa preporukom za dodjelu ugovora i izbor najpovoljnijeg ponuđača putem direktnog sporazuma broj: 02/5-11-6-543/25-3 od 06.05.2025. godine, u kojem je utvrđeno sljedeće:

- da je ukupno dostavljena jedna (1) ponuda,
- da je blagovremeno zaprimljena jedna (1) ponuda,
- da nije bilo neblagovremeno zaprimljenih ponuda,

Nakon izvršenog otvaranja ponuda, Komisija je pristupila analizi dokumentacije priložene u ponudi ponuđača "AVAZ-ROTO PRESS" d.o.o. Sarajevo za „Nabavku usluga objavljivanja oglasa u dnevnim novinama”, u smislu provjere njene validnosti s obzirom na iskazane zahtjeve Ugovornog organa u Pozivu na dostavu ponude.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da je ponuda ponuđača „AVAZ-ROTO PRESS“ d.o.o. Sarajevo u postupku nabavke ispunjavala formalno pravne uslove u skladu sa Zakonom o javnim nabavkama i odredbama Poziva na dostavu ponuda za predmetnu nabavku Ugovornog organa. Utvrđeno je da cijena dostavljene ponude "AVAZ-ROTO PRESS" d.o.o. Sarajevo ne prelazi procijenjenu vrijednost predmetne nabavke.

Ponuda ponuđača „AVAZ-ROTO PRESS“ d.o.o. Sarajevo je prihvatljiva i može biti predmet vrednovanja shodno utvrđenim kriterijima u Pozivu na dostavu ponuda.

U tabeli je dat pregled ponudene cijene za predmetnu nabavku i rangiranje ponuđača po kriteriju "najniža cijena" prihvatljivih ponuda, kako slijedi:

Rang	Naziv ponuđača	Ponudena cijena (bez PDV-a) u KM	PDV 17%	Ponudena cijena (sa PDV-om) u KM
1.	„AVAZ-ROTO PRESS“ d.o.o. Sarajevo	680,00 KM	115,60 KM	795,60 KM

U postupku do donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda u skladu sa Zakonom o javnim nabavkama i kriterijima iz Poziva za dostavu ponude.

Uzimajući u obzir naprijed navedeno, primjenom člana 64., stav (1), tačke b) Zakona o javnim nabavkama, odlučeno je kao u članu 1. ove Odluke.

Pouka o pravnom lijeku: Protiv ove Odluke ne može se izjaviti žalba s obzirom na to da je Odluka donijeta u postupku direktnog sporazuma.

 **DIREKTOR:**
Muamer Mehić

DOSTAVITI:

1. 1 x Ponuđaču preporučeno sa dostavnicom
2. 1 x Stručni saradnik za javnu nabavku
3. 1 x Web stranica Centra
4. 1 x Arhiva Centra